

## **IZVRŠNI ODBOR MEDŽLISA IZ MAGLAJ**

### **IZVJEŠTAJ O RADU ZA 1428/29. H.g. – 2008. godinu**

U prošloj 1429. H.g. – 2008. godini Medžlis Maglaj u svome radu ostavio je generacijski neizbrisive tragove. Ostvarili smo u okvirima realnih i raspoloživih mogućnosti poslovne rezultate, koje smo zacrtali na temelju naše dugoročne strategije razvoja i plana. U ovogodišnjem izvještaju želimo posebno naglasiti događaje koji su obilježili godinu iza nas., po kojoj ćemo zasigurno ostati upamćeni i to:

- Uspješna realizacija akcije „Ne zaboravimo naše Podrinje“ i početak izgradnje masdžida u džema`atu Hum – Bastasi, bratskog Medžlisa IZ-ce Foča, čiju smo prvu fazu završili pokrivanjem istog, te obezbjedili sredstva za elektroinstalacije, grubo i fino unutrašnje i vanjsko malterisanje.
- Organizacija naučnog skupa na temu „Historijsko trajanje Bosne i Maglaja“, a povodom jubileja 600 godina prvog pominjanja imena Maglaj u Povelji kralja Sigismunda 18.09.1408. godine i šest stoljeća Islama u Maglaju.
- Početak izgradnje nove gradske džamije u Maglaju sa pratećim sadržajima,
- Uspješan završetak II faze istraživačko – otkrivačkih, restauratorsko – konzervatorskih radova u enterijeru i na portalu – trijemo Jusuf-pašine / Kuršumlija džamije u Maglaju i pripreme za III fazu radova zidnog slikarstva.
- Okončana obuka uposlenika u procesu uvođenja sistema upravljanja kvalitetom prema ISO standardu 9001:2000 i započeta primjena procesnih Procedura sa pripremanama za certificiranje.

U svim našim džema`atima vođena je akcija ograđivanja i uređivanja mezaristana i ista je naišla na veliku podršku i odjek.